

V T I L I S S I M A

S I M V L A C D O C T I S S I

M A R E P E T I T I O L E G I S

unicæ, C. Quo loco mulier,

munera subire

soleant.



D. IOANNE MAVRITIO,

Præfecturæ Burgundiæ Senatore

ſpectatiſſimo, autore.

V I R T V T E D V C E,



C O M I T E F O R T V N A.

L V G D V N I A P V D S E E.

G R Y P H I V M,

1 5 3 8.



COLL. SOC. IESV SALM. EX DONO REGVM.

P. VAVCHARDVS

LECTORI S.



ITERIS mandauerunt ueteres astrorum periti, uniuersa tandem post certam annorum seriem, completo segmentorum anfractu, ad id, unde progressa fuerant, circuli lege rursus redire, atq; denuo renasci. Quamobrem & Pythagoras ille Samius *παλιγενεσία*, ac regenerationem suam magnopere sustulit, Tempora testatus clypeo Troiana refixo. Adseuerabat enim se bello Troiano interfuisse, clypeumq; quem tum in templo suspēderat, cum post septingentos ferme annos reuixisset, demonstrabat. Quam in sententiam Democritum quoque transisse scriptum reliquit grauissimus autor Plinius. Idq; ut existimo, non citra optimam rationem, dum quæ nostra ætate uisus, oculorumq; probatione exploratissima sunt, mecum animo reputo. Quis enim non cernit, ne multis ego exemplis conquirendis longius in re manifesta immorer, quàm necesse est: quis, inquam, non cernit lures consultos illos nostros, quos tantopere admirata est antiquitas, uenerata est, celebrauit, reuiuiscere iam, & renasci? En tibi, ut interim alios silentij uelario præteream, Dn. Ioannes Maurítius, cuius tanta est in aperiendis obscurissimis felicitas, in docendo cum fidelitate facilitas, ut cum nõ dubitauerim aut Papinianum alterum, aut Scæuolam, aut Ulpianum adfirmare à campis Elysijs remissum. Sciunt, qui superioribus annis huic operam suam dederunt, cum ius Cæsareum in celeberrima Academia Dolana profiteretur, quàm mirè legum cõtrariarum, ut uidetur, nodos dissoluat, quàm accuratè à scribentium errore ueritatem uindictet: id tamen aperiùs cognosci potest uel ex hoc eius de Muneribus libello, quem precibus amicorum uictus per Chalcotyporum formulas publicandum in præsentia curauit. Tanta enim cum rerum cognitione, tum uerborum castigatissima ubertate

V T I L I S S I M A

REPETITIO LEGIS V.
NICAE, C. QVO LO. MV
LIER. MVNERA SVB
IRE SOLEANT.



V I I N alicuius legis uersantur expla-
natione, potiore, rei ue assumptæ accura-
torem hunc delegisse uisi sunt ordinem, ut
primum exacta allequantur diligentia, quæ
ad instituti thematis purum conducunt in-
tellectum, sine quibus difficulter negotij
ueritatem adesse posse in comperto esse admittunt: quam ob
id omnino sectandam, & neruis omnibus amplexandam hi
consulant, quasi hoc præcipuo literati professoris officio in-
cumbat: ut uel hac occasione quæ iam iam se trutinanda haud
inelegans, & docta, passimque in omnium ore uentilata Mune-
rum se offerat materia, sit ipso in capite excutienda, & ad
amussim eius uocabuli explicanda energia, quæ ue in re à
dono ac xenij discrepet: quod sublimis eruditionis Tho-
mas Parpallias sua tempestate Thaurinensis Academiae non
pœnitendus gymnasiarcha in l. placet. c. de sacrosan. eccl. ele-
gante, & laboriosa admodum repetitione prima manu tan-
tum remissiue attigisse uisus est, aiens eius uerbi tripartitam
considerari significationem, quemadmodum ex mente iuris-
consulti in l. munus tribus. ff. de uerbor. & rerum sig. deduci
is posse testatur, rem ipsam latiori declarationi non commit-
tens: quæ tamen quum omnino sit necessaria, & plurimum
præsentis legis intellectui accedens, prætermitti à me non
potuit, qui uel primum in id incidendum duxerim, quod à

b Paulo